

LEBHITICS.

CAIB. I.

AGUS ghairm an Tighearn air Maois, agus labhair e ris a pàilliu a' choi'-thionail^a, ag ràdh,

2 Labhair re cloinn Ifraeil, agus abair riu, Ma bheir duine *'jam bith* agaibh tabhartas^a a dh'ionnfuidh an Tighearna, bheir sibh bhur tabhartas do'n spréidh, *eadhon* do'n bhuar agus do'n treud.

3 Ma *bhios* a thabhartas do'n bhuar 'na ìobairt-loisgte^b, thugadh e seachad *beathach* firionn gun ghaoid: aig dorus pàilliuin a' choi'-thionail bheir e seachad e d'a shaor thoil féin, 'an lathair an Tighearna.

4 Agus cuiridh e a làmh air ceann na h-ìobairt-loisgte: agus gabhar air a shon i, a dheanamh réite air a shon.

5 Agus marbhaidh e 'n tarbh òg^c 'an lathair an Tighearna: agus bheir na sagairt mic Aaroin leo an fhuil, agus crathaidh iad an fhuil m'an cuairt air an altair, a *ta* aig dorus pàilliuin a' choi'-thionail.

6 Agus fionnaidh e 'n ìobairt-loisgte, agus gearraidh e i 'na mìribh^d.

7 Agus cuiridh mic Aaroin an t-sagairt teine air an altair, agus leagaidh iad fiodh^e ann an ordugh air an teine.

8 Agus leagaidh na sagairt mic Aaroin na mìrean, an ceann, agus an t-fàill, ann an ordugh air an fhiodh a *ta* air an teine, a *tha* air an altair.

9 Ach a mhionach^f agus a chafan nighidh e ann an uisge: agus loisgidh an sagart an t-iomlan^g air an altair, mar ìobairt-loisgte, tabhartas a bheirear suas le teine, a dh'fhàile cùbhraidh^h do'n Tighearna.

10 Agus ma's ann do na treudaibh a *bhios* a thabhartas, *eadhon* do na caoraich, no do na gabhraibh, chum ìobairt-loisgte; 'na *bheathach* firionn gun ghaoid bheir e leis e.

11 Agus marbhaidh fe e aig taobh na h-altarach mu thuath ann an lathair an Tighearna: agus crathaidh na sagairt mic Aaroin fhuil air an altair m'an cuairt.

12 Agus gearraidh e 'na mìribh e, maille r'a cheann agus r'a fhaill; agus cuiridh an sagart iad ann an ordugh air an fhiodh a *ta* air an teine, a *tha* air an altair.

13 Ach nighidh e am mionach agus na casan le h-uisge; agus bheir an sagart leis an t-iomlan, agus loisgidh e air an altair^e, mar ìobairt-loisgte, tabhartas a bheirear suas le teine.